



Kvinnherad kommune
Fellestenester
Informasjonsavdelinga

2015/3009-8
Vedteken 22.06.2016

Styringsplan for sals- og skjenkeløyver i Kvinnherad kommune for perioden 2016 – 2020



Innhald

1. Formål
2. Salsløyve
3. Faste skjenkeløyve
4. Bevillingsperiode
5. Ambulerande skjenkeløyve
6. Einskild skjenkeløyve
7. Delegasjon
8. Kurs
9. Kontroll og sanksjonar

1. Formål

Alkoholova 1-1: « Å begrense i størst muleg grad dei samfunnsmessige og individuelle skadane som alkoholbruk medfører. Lova siktar på begrensa forbruket av alkohohaldige drikkevarer.»

Denne styringsplanen vil gjelda for inneverande valperiode 2016 – 2020, og slik vera retningsgjevande for ny handsaming av sals- og skjenkeløyve. Kommunane sitt løyve- og kontrollmynde er blant dei mest effektive verkemidla vi har for å redusera alkoholforbruk og alkoholrelaterte skadar. Alkoholova gjev oss stor friheit til å utforma vår eigen alkoholpolitikk, og styringsplanen skal spegla vår politiske overbevisning, våre lokale forhold og dei utfordringane samfunnet vårt ellers står ovafor i perioden.

Kvinnherad kommune skal utøva alkoholpolitikken, herunder handsama einskildsaker, i samsvar med lovkrav på området og god forvaltningsskikk. For å oppfylla formålet i alkoholova er det i tillegg viktig at kommunen utøver stor grad av **skjøn** ved behandling av søknader om bevilling, ved utøving av kontroll og når det gjeld vurdering av inndraging av løyve (Alkoholova § 1-7a). Kommunen kan mellom anna leggja vekt på tal skjenkestader, type skjenkestad(karakter), plassering av skjenkestader, målgruppe, orden og andre tilhøve knytt til lokalmiljøet. Egnethet hos personar i §1-7b bør også vera ein del av skjønnsutøving. Ynskje om å begrensa tilgang og omsynet til forsvarleg drift skal vege tungt.

I tillegg til skjønnsutøving vil dei generelle rammene i alkoholova vera styrande:

Dette gjeld mellom anna tidsbegrensing og vandel hos bevillingshavar og personar med vesentleg innflytelse, noko som er beskrive tydeleg i Alkoholova.

Alkoholova § 8-9. Serverings- og drikkeforbud

Det er forbudt å drikke eller servere alkohol med mindre det føreligg bevilgning til dette, og sjølv om dette skjer uten vederlag. Alkoholova styrer kva lokaler som må søke om skjenkeløyve. Døme på dette er lokaler der det vert drive serveringsvirksomhet og andre lokaler som er allment tilgjengelig for offentligheta.

Saksbehandling skal sikra at:

Alkoholpolitisk plan (styringsdokument) vert følgd.

Kommunen har oversikt og kontroll på bevillingshavarar.

Søkjar oppfyller lovkrav.

Veiledningsplikta vert oppfylt, saksbehandlar skal ha kunnskap om aktuelt lov- og regelverk

Sanksjonering mot brot skjer.

Samarbeid med politi, helse og sosiale tenester, kommunar rundt oss og næringa sjølv

All saksbehandling skjer knytt til alkoholova med forskrifter, vedkomande saksbehandlar må til ei kvar tid vera oppdatert i aktuelt lov- regelverk. Melding om alle typar skjenkeløyve vert sendt skjenkekontrollen og politiet.

2. Salsløyve

*Alkoholova § 1-4: Definisjon av **sal**, skjenking og engrossalg:*

Med salg forstås overdragelse av alkoholholdig drikk til forbruker mot vederlag for drikking utenfor salgsstedet.

Salsløyve for alkoholholdig drikk med høgst 4,7% vol. kan berre tildelast daglegvarebutikkar og gardsbutikkar som har mikrobryggeri.

Det er omsetnaden av vareutvalet som avgjer om staden skal reknast som daglegvarebutikk eller kiosk, ikkje vareutvalet i hyllene. Salsløyve skal ikkje tildelast bensinstasjonar / kioskar.

I spesielle tilfelle **kan** det gjerast unntak frå denne regelen. Søknader blir avgjort av formannskapet etter uttale frå politiet, skatteoppkrevjaren og helse- og sosialsektoren. Nærare vilkår for løyva kan setjast i kvart enkelt høve med grunnlag i reglane i alkoholovgjevinga.

Salstidene for perioden er:

- Kvardagar kl. 08.00 – 20.00 (makstid etter alkoholova)
- Dagar før søn- og helgedagar kl. 08.00 – 18.00 (makstid etter alkoholova)
- Dagen før Kristi Himmelfartsdag - sal til kl. 20.00.
- Påske- pinse, og nyttårsafta sal til kl. 15.00.

Det er lov å selja alkohol på valdagar og dagar for folkeavstemming.

Løyvehavar står fritt til sjølv å bestemma si eiga salstid innanfor denne ramma.

Styrar og reservestyrar må ha bestått Kunnskapsprøve for salsløyve.

3. Faste skjenkeløyve

*Alkoholova § 1-4: Definisjon av salg, **skjenking** og engrossalg:*

Med skjenking forstås salg for drikking på stedet. Som skjenking regnes det også når bevillingshaver vet om at det drikkes i deler av hans hus som han har rådighet over, eller på andre steder i hans besittelse, eller på husets nærmeste tilliggelser.

Skjenkeløyve kan etter søknad tildelast hotell, restaurantar/ kafear /selskapslokale/pub og bardrift. Søknader blir avgjort av formannskapet etter uttale frå politiet, skatteoppkrevjaren og helse- og sosialsektoren. Nærare vilkår for løyva kan setjast i kvart enkelt høve med grunnlag i reglane i alkoholovgjevinga.

Skjenketidene for perioden er:

- Alkoholhaldig drikk under 22 vol. %: kl. 12.00 - 01.30
- Alkoholhaldig drikk over 22 vol. %: kl. 13.00 – 01.30

Formannskapet kan vedta kortare uteserveringstid på einskilde skjenkestader, dersom skjenkinga fører til støyplager for naboar.

Ved tildeling av løyve til skjenking utandørs skal det takast omsyn til naboar og offentleg ro og orden, og nærleik til sjø og trafikk. Det skal vere tydeleg avgrensa skjenkeområde for utandørs skjenking.

Styrar må ha godkjent etablererprøve og kunnskapsprøve for skjenkeløyve, reservestyrar må ha godkjent kunnskapsprøve for skjenkesaker.

4. Bevillingsperiode

Kommunal bevilling kan gjevast for 4 år, med opphøyr seinast 30. september, året etter at nytt kommunestyre tiltrer, jamfør Alkohollova § 1-6.

Kommunen kan bestemma at bevillingar likevel ikkje skal opphøyra, men gjelda vidare for ny periode med inntil 4 år, med opphøyr seinast 30. september året etter at nytt kommunestyre tiltrer.

I Kvinnherad kommune vert faste sals- og skjenkeløyve tildelt utan tidsavgrensing, men endring av løyve og eventuelle nye vilkår for løyva vert vurdert for kvar ny kommunestyreperiode.

Løyva kan maksimalt gjelde i to periodar, 8 år, før det må søkjast på nytt.

5. Ambulerande skjenkeløyve

Ambulerande skjenkeløyve etter alkohollova § 4-5 kan berre gjevast til lukka lag som bryllup, jubileum og liknande arrangement, anten i private eller offentlege lokale. Ambulerande skjenkeløyve kan ikkje gjevast til arrangement i kommunale skulebygg.
Unnateke: Mauranger skule/grendahus og Åkra skule/grendahus.

Ved tildeling av løyve for skjenking utandørs, skal det takast omsyn til naboar og offentleg ro og orden.

Løyve for brennevin kan berre gjevast dersom søkjar allereie har skjenkeløyve for øl og vin, og alkoholfritt alternativ skal vera tilgjengeleg.

Ansvarleg for løyvet må vera over 20 år. Skjenkeløyvet er personleg og kan ikkje overdragast til andre.

Skjenketida for ambulerande løyve for lukka lag er til kl. 01.30.

Melding om ambulerande skjenkeløyve vert sendt skjenkekontrollen.

Tildeling av ambulerande løyve er delegert til rådmannen, og behandlingstida er 14 dagar.

Løyvehavar skal betale gebyr for ambulerande løyve:

Gebyret er kr. 340,- (regulert av staten sine satsar for omsetning av alkohol, regulerast kvart år.)

6. Einskild skjenkeløyve

Skjenkeløyve for einskild høve gjeld arrangement som er opne for publikum. Døme på dette kan vera dans eller festivalar. Løyvet blir gjeve for kvart einskild arrangement. Løyvet er tidsavgrensa og knytt til det konkrete arrangementet.

Ved større arrangement vert søknaden sendt lensmannen og branntilsynet for uttale.

Ved tildeling av løyve til skjenking utandørs skal det takast omsyn til naboar og offentleg ro og orden og nærleik til sjø og trafikk.

For eit einskild skjenkeløyve vert det berre gjeve løyve for øl og vin under 22 % vol. og alkoholfritt alternativ skal vera tilgjengeleg. Skjenketida er sett frå kl. 12:00 til kl. 01:00.

Ansvarleg for løyvet må vera over 20 år. Skjenkeløyvet er personleg og kan ikkje overdragast til andre. "*Krav og plikter for den skjenkeansvarlege ved ambulerande/einskildløyve*" skal liggja ved løyvebrevet.

Løyvehavar skal betale gebyr for eit einskildløyve:

- For tilskipingar der forventa tal deltakarar er frå 0 - 100 personar/gjester: kr. 400,-
- For tilskipingar der forventa tal deltakarar er frå 100 - 200 personar/gjester: kr. 800,-
- For tilskipingar der forventa tal deltakarar er meir enn 200 personar/gjester: kr. 1500,-

Ved søknad om løyve skal det gjevast opp kor mange gjester tilskiparen forventar. Rekning for gebyr vert sendt ut på bakgrunn av tal personar i søknad. Dersom kontroll av tilskipinga syner at det er fleire gjester enn gjeve opp i søknad, vert det sendt restkrav etter ny sats.

Tildeling av einskildløyve er delegert til rådmannen, og behandlingstida er ca. 14 dagar.

7. Delegasjon

Det vert gjeve delegert mynde til administrasjonen til å avgjere søknadar om:

- Ambulerande løyve (§ 4-5)
- Sals- og skjenkeløyve ved enkeltarrangement (§1-7)
- Godkjenning av styrar og stedfortreder (§1-7c, 2 ledd)
- Endring av sals- og skjenketider i einskildhøve og ambulerande (§§3-7, 4-4)
- Utviding av skjenkelokale ved einskildhøve (§4-2, siste ledd)

Alle andre søknader om løyve skal leggjast fram for formannskapet til politisk avgjerd.

8. Kurs

Alle som har oppgåver knytt til alkoholsal og vakthald på skjenkestaden, skal gjennomgå opplæring i alkoholhandtering. Kommunen arrangerer kurs i alkoholhandtering. Kurset kan også nyttast for å oppfylle pålegg i internforskrifta om opplæringsplan. Kurset skal arrangerast 1 gong pr. år og skal vera sjølvfinansierande. Festivalar og einskilde arrangement med sal av alkoholhaldig drikke, som vert arrangert årleg, skal og gjennomgå denne opplæringa.

9. Kontroll og sanksjonar

Kommunen skal utøve kontroll av alle sals- og skjenkeløyve, jamfør Alkoholova §1-9. Det skal kvart år gjennomførast 3 gonger så mange kontrollar som det er gjeve løyve til. Kommunen skal og gje naudsynt råd og rettleiing til bevillingshavar, styrar og reservestyrar, slik at omsetnad av alkohol kan skje i samsvar med regelverket, og på ein slik måte at alkoholpolitiske, og sosiale omsyn vert ivaretekne.

01.01.2016 vart det innført nye reglar for inndraging av sals- eller skjenkeløyver, jamfør kapittel 10 i Alkoholova.

Brot på Alkoholova eller vilkår i løyvet, skal føre til prikktildeling. Dersom ein bevillingshavar har fått inntil 12 prikkar i løpet av to år, skal kommunestyret inndra løyvet i ei veke.

Dersom ein skjenkestad i løpet av ein to-års periode vert tildelt meir enn 12 prikkar, skal kommunestyret auke lengda på inndraging tilsvarande.

Følgjande brot fører til prikkar, henta frå «Forskrift om omsetning av alkoholholdig drikk mv. (alkoholforskriften):

1 prikk	- Brot på krav om alkoholfri drikke - Brot på reglar om skjenkemengde - Konsum av medbrakt alkoholhaldig drikk - Gjester tek med alkohol ut av skjenkelokalet - Brot på plassering av alkoholhaldig drikk på skjenkestad - Brot på vilkår i løyvet - Brot på reklameforbodet - Andre overtredelsar som vert omfatta av alkoholova §1-8
2 prikkar	- Åpenbart påverka personar i lokalet, eller bevilgningshavar ikkje sørger for at den tydeleg påverka personen forlet staden - Manglar ved internkontrollen - Manglande levering av omsetningsoppgåve innan kommunen sin frist - Manglande betaling av bevilgningsgebyr innan kommunen sin frist - Brot på krav om styrar og reservestyrar - Gjenteken narkotikaomsetnad på skjenkestanden - Gjenteken diskriminering
4 prikkar	- Sal og utlevering til person som er åpenbart påverka av rusmidlar

	- Brot på sals-, utleverings og skjenketidsbestemmelsar - Skjenking av alkoholhaldig drikk over 22 % til person under 20 år. - Brot på alderskravet til den som sel, utleverer eller skjneker alkoholhaldig drikk.
8 prikkar	- Sal, utlevering eller skjenking til person under 18 år - Brot på bistsandsplikt - Brot på krav om forsvarleg drift - Hindring av kommunal kontroll

Det skal alltid være to personar som utfører skjenkekontroll.

Skjenkekontrollørane skal ha dokumentert kunnskap om alkoholova og ha bestått

Kunnskapsprøven for skjenkekontrollørar.